

# WANTOK

NIUSPEPA BILONG YUMI OL PAPUA NIUGINI STRET - 26 YIA NAU

32 pes

Namba 1,161

Wik i stat long Fonde, Septemba 26, 1996

50 toea

## Narokobi askim pis minista long sekim ol sip long Wewak

### YAKAM KELO i raitim

MINISTA bilong Fiseris Titus Philemon i tok sapos ol pipel bilong Is Sepik i no amamas long ol sip bilong pis i sua long Wewak, gavman i ken salim ol i go long arapela provins.

Mista Philemon i tok Papua Niugini i gat 11-pela bris bilong trensi-

men we ol sip i sua long en na ol i ken yusim arapela 10-pela sapos ol pipel bilong Is Sepik i no amamas long pasin ol sip ya i wok long kamapim.

Mista Philemon i askim Is Sepik provinsal gavman long wok klostu wantaim em long sekim ol kain ripot we i wok long kamapim egesim ol ovasis sip husat i stap painim pis long Wewak.

Em i tok tru em i sori long ol hevi ol pipel bilong Is Sepik i gat long ol bagarap na hevi ol dispela ovasis sip i kamapim. Olsem na ol atoriti long hap i mas sekim gut ol dispela hevi na komplem we i wok long kamapim.

Mista Philemon i mekim dispela toktok long bekim askim bilong memba bilong Wewak Bernard Narokobi

olsem ol pipel bilong em i wok long komplem. Olsem ol ovasis sip ya i kamapim hevi long pipel na ples.

Mista Narokobi i tok i gat ripot olsem

- ol ovasis sip ya i save tromoi ol dai pis long nambis na mekim ples i sting

- ol i kapsaitim ol wel na gris bilong sip long solwara na nambis bilong Winjama na

Mobil i bagarap long ol doti bilong sip

- ol wokman bilong sip ya i save mekim pasin paul wantaim ol lokel meri long Wewak na dispela pasin i no gutpela long ol pipel

- ol i pulim pis i go moa abrusim 3 Mail mak bilong pulim pis

- ol i no save baim ol kaikai, wara, bensin na ol samting long Wewak long givim bisnis i go bek long ol pipel

- Dipatmen bilong Fiseris i mas lukim pis olsem risos we ol pipel bilong ples i mas kisim ol royalti na kompensesen olsem ol papagraun bilong kopa na gol i save kisim

- planti nois tumas.

Minista bilong Fiseris Titus Philemon i tok em i bin raun lukim Wewak pinis. Na em i toksave olsem gavman nau i lukluk long stretim ol liklik royalti pemen long givim ol manmeri i stap long nambis bilong PNG taim ol sip i go

kisim pis long solwara bilong ol. Dispela em wanpela samting gavman nau i lukluk long long kamapim.

Em i tok ol hevi olsem ol wokman bilong sip i paulim ol meri, bai em i ken askim Minista bilong Polis long askim ol lain bilong em yet long sekim dispela ripot. Na tu em bai askim Minista bilong Envaromen na Konvesesen long ol lain bilong em i ken sekim tu ol dispela ripot we wel na gris bilong sip i bagarapim solwara na nambis long Winjama na Mobil eria.

Mista Philemon i tok tromoi dai pinis nating long solwara em brukim lo na dispela em wanpela samting olgeta sip i kam long pulim pis hia i save kisim toksave long en long i no ken mekim. Bikos lo i tambuim dispela. Olsem na em bai lukluk moa long dispela ripot.

Em i tok long ol dispela sip i baim ol samt-

ing long Wewak em nogut ol i skelim long prais na kos bilong ol samting long Wewak i bikpela tumas. Olsem na ol i no save baim ol bensil, wel, wara na ol i no save baim ol samting long Wewak tasol long arapela hap. Tasol em bai sekim dispela samting tu.

Fiseris Minista i tok olgeta sip i gat laisens long pulim pis na i kam painim pis long PNG i kisim tok orait olsem ol i mas painim pis insait long 3 Mail jon bilong solwara tasol. Na ol i no ken go moa long dispela. Sapos ol i brukim dispela, bai ol i mas sanap long kot long brukim lo bilong pulim pis long Papua Niugini.

Em i askim strong long Provinsal Gavman na ol atoriti long Wewak long wok klostu wantaim dipatmen bilong em long givim ol kain ripot olsem na stretim bai ol wok i ken go gut long stretim ol kain hevi olsem.

### Gavman bai kisim takis long rais

GAVMAN bai sasim 11 pesen (%) takis antap long prais bilong rais i kam long ovasis long neks yia. Tasol em bai was long prais bilong rais long ol stua i no ken go antap tumas, Fainens Minista na Ekting Praim Minista Chris Haiveta i tok.

Mista Haiveta i tok bai ol i apim takis long ol prais bilong rais taim ol kampani na bisnis i baim i kam long ovasis. Bikos planti yia i kam, i nogat impot diuti takis long rais olsem ol arapela kaikai.

Fainens Minista i tok sapos gavman i kisim dispela 11 pesen takis long rais, dispela inap mekim ol manmeri i wok hat na sevim gut mani bilong baim kaikai (living kos).

Long dispela taim, rais i save win tru long ol arapela kaikai taim ol i kam long ovasis saplaia. Bikos kantri bilong mipela (PNG) i save baim planti rais moa winim ol arapela kaikai. Dispela em bikos rais em wanpela bikpela kaikai bilong mipela long PNG.

Mista Haiveta i tok long dispela as, gavman i laik apim 11 pesen takis long rais bai ol kampani bilong baim rais long ovasis i ken baim takis olsem ol arapela kampani husat i save baim na salim ol kaikai. Bikos baim rais long ovasis i kam i nogat

takis. Tasol Mista Haiveta i tok bai gavman i was gut tu long prais bilong rais long olgeta stua. Em bai yusim ol lain bilong prais kontrola long sekim ol prais bilong rais long i no ken go antap tumas we inap givim hevi long ol manmeri bilong kaikai rais.

Long Papua Niugini, wanpela kampani tasol em Rais Industri o Trukai Rais i save baim na salim rais long sevim olgeta manmeri bilong PNG. Olsem na dispela kampani i nogat wanpela salens long dispela bisnis bilong rais. Mista Haiveta i tok planti toktok i kamap long maus bilong gavman pinis long planim rais na wokim long Papua Niugini yet. Tasol ol dispela toktok i no save kamap tru. Olsem na dispela 11 pesen takis inap givim sampela salens i go long bisnis bilong baim rais i kam long ovasis na inap givim rum na spes long planim rais hia yet long PNG.

Mista Haiveta i tok sapos dispela 11 pesen takis i kamap stat long Januari 1997, bai gavman i ken pulim olsem K11 milien olgeta long pinis bilong 1997. Na dispela em tingting bilong gavman tu long pulim sampela mani long rais olsem em i save kisim long ol arapela kaikai na ol samting



**Brata holim susa...** Bodi bilong 9-pela soldia ol BRA paitman i kilim long Kangu nambis kea senta long Bogenvil long Septemba 8 i go long matmat long dispela wik. Dispela 9-pela bodi, 4-pela i go long matmat long Taurama Bareks long dispela wik Mande na 5-pela i go long ples bilong ol. Long dispela poto, Kepten John Potti bilong Ensining Batalion, wantaim helpim bilong wanpela meri, i holim na sapatim susa bilong em Agusta long Taurama long Mande apinun long misa bilong bodi bilong 9-pela soldia ya. Man bilong Agusta, Mesa Paul Panao, i wanpela bilong dispela 9-pela soldia ol BRA i kilim long Kangu. Sanap long salt bilong Kepten Potti em liklik ankol bilong em Paul Panao Junia. Poto: Ivan Bayagau. Lukim stori long pes 15.












# THE WINNING CHANGE

# SPEAR

## EM KOLPELA



**SPONSORS OF  
NATIONAL  
DARTS  
CHAMPIONSHIPS  
IN  
PAPUA NEW GUINEA**

# Noken wokim pamuk long kalsa

KALSA em wanpela samting mipela ol lain bilong Papua Niugini i ken holim na tok "dispela samting i mekim mipela i narakain olgeta long ol pipel bilong ol arapela kantri long dispela graun".

Sapos dispela kalsa i lus, mipela bai i nogat nem. Mipela bai kamap wankain olsem ol pipel bilong ol arapela kantri.

Ol tokples bilong mipela. Ol bilas bilong mipela. Ol singsing bilong mipela. Ol pasin bilong amamasim marit na ol nupela pikinini. Pasin bilong tingim indai. Na pasin bilong lukautim graun. Pasin bilong lukautim lapun papamama. Ol dispela na sampela moa i mekim mipela, ol pipel bilong Papua Niugini. I mekim mipela ol pipel bilong Melanesia.



Independens amamas las wik em i bin gutpela taim long autim ol dispela kalsa bilong mipela. Na planti pipel i wokim dispela. Tasol wanpela samting em mi no amamas long en i olsem, sampela i kisim prais long autim kalsa bilong ol na ol arapela i no-kisim prais.

Kalsa em i no wanpela samting we yu ken putim prais long en. Sapos i gat prais long kalsa, orait olgeta i mas kisim wankain prais. I noken wanpela i abrusim ol arapela.

Ol lain bilong Mosbi i bin lukim Hiri Moale long las wik. Dispela em i taim bilong luksave long wanpela pasin tumbuna we ol lain Motu long Sentral provins i bin kisim ol sospen graun na go salim long ol pipel bilong Galp provins long kisim sak sak na ol arapela kaikai.

Dispela pasin i mekim ol pipel bilong dispela tupela hap i stap wanbel na tu i helpim ol lain Motu long kisim kaikai long taim bilong drai. Taim ol lain Motu i kam bek long raun' bilong ol long Galp provins, i bin gat amamas bikos ol

man na pikinini i kam bek na tu bikos ol i kisim kaikai i kam.

Tasol ol amamas bilong Hiri Moale nau i no bilong soim gutpela sindaun olsem bipo. Ol amamas nau em bilong apim ol nem bilong Pepsi na SP na NCDC ol narapela bikpela kampani.

Na tingim turangu ol yangpela meri ol i soim long ol pablik olsem ol ka ol i salim long Ela Motos.

Olgeta meri i stap insait long dispela resis long makim Hiri Hanenamo i bin bilas gut stret long pasin em ol yet na ol lain bilong em i ting i bihainim kalsa bilong ol.

Wanpela tasol i win. Na ol arapela i nogat. I luk olsem wanpela kalsa i winim narapela. Kalsa nau i kamap olsem ol samting mipela i ken salim

long stua. Yu gat moni bai yu baim. Olsem ol pamuk lain. Yu gat mani yu ken baim.

Na wanem samting i kamap long ol kanu (lagatoi) na ol haus em ol i bin mekim long taim bilong Hiri Moale? Mi bin lukim ol lain bilong setelmen long Kone i kisim ol haphap bilong dispela kanu i go long haus bilong ol. Ating em long yusim olsem paiawut.

Dispela i soim pasin ol bikpela kampani na ol bikman i laik yusim kalsa bilong mipela ol lain Papua Niugini nau. Ol i laik yusim kalsa bilong mipela olsem paiawut.

Olsem wanem? Bai yumi larim ol dispela lain long go het na yusim kalsa bilong mipela olsem paiawut long bihain taim o nogat?




## PACIFIC GOLD STUDIOS

Proudly presenting  
NEW PNG MUSIC




### BARIKE "THE"

The hot new album from  
harmony band.



### REKS BAND

Morobe's favourite  
songs.



### SAGO THORNS


The new album with

All these CDs are available at  
PACIFIC GOLD STUDIOS  
PO BOX 4770  
BOROKO, N.C.D.  
PAPUA NEW GUINEA

PH: (675) 325 9644  
(675) 325 9683  
FAX: (675) 325 9395

## Laik bilong moa mani na pawa gat kikbek

OL BRA i sore na kra i wantaim tupela Katolik bisop bilong asples Bogenvil husait i dai pinis-Bisop Singkai bilong Bogenvil Daisosis na Asbisop Sir Peter Kurongku. Na kra



bilong ol i min wanem? Ol i tokim ol i laikim tumas na givim bikpela rispek long leit Bisop Gregory Singkai olsem papa bilong fridom, ikwaliti, rait bilong man, papagraun, pis na jastis long Bogenvil na PNG olgeta.

Em samting ol i pait long en. Na ol i kamaut long salutim em wantaim bikpela ona. Yes, ol BRA lida na memba i kamaut na kra i long em na putim em long matmat las wiken. Ol i kra i wantaim lewa na tingting bilong ol long fridom na jastis bilong pipel bilong Bogenvil.

Ol BRA komanda na sampela memba i mekim dispela toktok long Sande Septemba 22. Ol BRA i bekim tok bilong glasim lewa na tingting las wik i bin askim BRA na pipel bilong Bogenvil long glasim na tingim dai bilong Bisop Singkai bilong Bogenvil Daisosis na Asbisop Sir Peter Kurongku bilong Mosbi Asdaisosis i min wanem long ol. Glasim lewa na tingting i ting, tupela i dai long wari bilong Bogenvil. Sam Kauona i tok bai i nogat wanbel moa.

Mipela i laik kisim independens. Na mipela laikim sekyuriti fos i mas klia olgeta long Bogenvil. Sapos nogat bai mipela i pait yet. Ol BRA i givim 7-pela de tu long PNG gavman long mekim dispela disisen. Nogat bai ol i kilim 5-pela soldia ol i holim pasim.

Nau, sapos yumi glasim gut as planti pait namel long ol man long wol i kamap, bai yumi luk klia olsem long arapela brata i gat pawa na mani i teko-va na kontrolim samting God i blesim narapela brata o susa wantaim. Na God i putim dispela brata long kamap papa na lukautim na skelim bilong gutpela sindaun bilong pipel bilong em.

Tasol strongpela lida na man i giamanim ol na stilim na mekim ol yet i go ris moa yet. Na skruim hevi i kontrolim rait, fridom na laip bilong ol man-meri. Dispela i bringim belhevi na trabel nau long graun.

Rispek, fridom na jastis i go wantaim. Tripela i go wantaim na bai i gat rispek wanpela na narapela na belisi amamas na namel long pipel bai kamap. I no Bogenvil na PNG tasol i gat dispela hevi. Ol arapela kantri i gat kain hevi tu. I gat tu arapela nogut pasin i save statim kain pait na woa.

Dispela em hangre bilong mani na moa samting bilong graun na gridi pasin. Buk tambu (Baibel) i tok mani em as bilong olgeta samting i nogut (evil) i bringim hevi long sindaun bilong olgeta manmeri bilong graun. Wanpela bikpela as bilong hevi long 9-pela yia Bogenvil kraisis em hangre na gridi pasin bilong mani.

Luk olsem tupela BRA gavman na CRA olgeta wantaim i rong long ai bilong God long bringim dispela hevi. Na glasim lewa na tingting i glasim olsem BRA i pait long rait na blesing God i givm ol. Tasol ol i bin laikim mani na tu i gat moa pawa.

Dispela i gutpela long ai bilong God. Ating ol i no bin i lukim olsem dispela blesing ol i mas tilim tu long olgeta turangu manmeri long Bogenvil na PNG. CRA i rong olgeta bikos dispela gol na kopa aninit long Bogenvil i no bilong ol em bilong pipel bilong Bogenvil o papagraun. Na ol i no harim na rispektim ol na harim tingting na wari, baim ol na stretim sindaun bilong ol na mekim ol i amamas.

Gavman bilong PNG i rong tu bikos em i no kamap olsem papamama bilong PNG pipel na tilim gut ol mani i bin kamap long Bogenvil kopa. Mi ting sapos ol i bin skelim na tilim na givim mani i go long ol turangu, hangre, sik, na nogat papa, na meri nogat man, dispela hevi no inap kamap. Yumi mas tingim ol turangu olsem yumi tingim yumi yet.

Pipel bilong Bogenvil, spirit bilong God Papa i toktok long yupela. Yumi mas porgivim olgeta rong bilong dispela hevi nau. Na bai yumi olgeta sindaun belisi na amamas wantaim gen.









# "MOVING FORWARD

## TOWARDS THE TURN OF THE CENTURY."

The Hon C.S. Haiseta, MP  
Deputy Prime Minister and Minister for Finance

"We face great challenges and opportunities in the future. As Papua New Guinea continues to grow and develop we need to secure our place in an increasingly competitive world, this means we have to have a bank which is competitive by international standards."

At the Papua New Guinea Banking Corporation we're working towards a future that will help our country takes its rightful place in the commercial world.

You'll see the changes every day as we move forward to an exciting and prosperous future. It's all part of our commitment and it's something we want to share with you.

















DEPARTMENT OF TRANSPORT


## PABLIK NOTIS

Dispela toksave i go aut long pablik olsem Nesenel Len Transpot Bod long namba tu miting bilong Bod we i bin kamap long Julai 17, 1996, i rausim 239 PMV laisens we Bod i bin oraitim namel long 1993 na 1995. Ol dispela laisens Bod i rausim i karamapim tu ol omni-bas na teksi laisens.

APPLICANTS' NAME	TYPE OF LICENCE	NUMBER OF LICENCE	APPLICANTS' NAME	TYPE OF LICENCE	NUMBER OF LICENCE
1. JOSEPH WAZUPA	OMNI - BUS	11	74. ANTON LEM	OMNI - BUS	3
2. PETER GEORGE MOSES	"	1	75. LUKE GUSAC	"	1
3. ALABOX THOMAS MURA	"	1	76. TONY KUMAN	"	1
4. PIWA M KOGLOWA	"	4	77. ANIS P MCKUP	"	1
5. OSEPH KOMBUC	"	1	78. JACK MOKA	"	1
6. KELLY KONT S PANGI	"	1	79. POKARUP NARAKOU	"	1
7. KILITON KINGSFORD	"	1	80. JAMES I NUI	"	1
8. WABENA JUBUWU	"	1	81. JACKSON NUI	"	1
9. KUNTY LEONARD	"	1	82. OWEN M THRESE (MRS)	"	1
10. PEPI KEREKOKE	"	1	83. PTER OA PARU	"	1
11. TINUDUBA TIJEWBA	"	1	84. JOEL PAUA	"	1
12. BIRAM MELO	"	1	85. HELEN PEPENA	"	1
13. JOHN TEN	"	3	86. MRS PHILIP KIAP	"	1
14. RAMI WARIA	"	1	87. BEN POPONAWA	"	1
15. BERNARD M VANUA	"	5	88. DAVID BAWA PIKEP	"	1
16. MACKY BUSINESS GROUP	"	1	89. JOSEPH PUIA	"	1
17. BASOWE ARUBA	"	1	90. IAN KIK GIPMAN	"	1
18. SAMANE KOVE	"	1	91. ANDREW RHEEMS	"	1
19. JOHN TEPUKA	"	1	92. SOUTHERN PACIFIC BAY	"	1
20. VALI ULEA KARAWA	"	1	93. GEORGE RHEEMS	"	1
21. PALA WANGA	"	1	94. ZUKE W. RUMINTS	"	1
22. PERE LOASA KENDEPO	"	3	95. JOSUA SOSO	"	1
23. TERRY UNDE	"	1	96. WARIA P TAGUPA	"	1
24. PIUS MAIP	"	1	97. RAKIA TAVIRI	"	1
25. JOHN KAWI	"	1	98. ANDREW TEN	"	1
26. GARRY BABONA & SONS	"	3	99. JIMMY GINGNEE	"	1
27. THOMAS K. NENGINTS	"	1	100. KAITH VILA	"	1
28. KELLY KINAMANU	"	1	101. JANNET RURIA KLEWAKI	"	1
29. KARVEY B. NIS	"	1	102. RODNEY KAPI	"	1
30. MAX KUP	"	1	103. MATHEW NIKE	"	1
31. JAMES I NUI	"	1	104. EMMANUEL IPI KAUA	"	1
32. RUSTEN K. MINAME	"	1	105. DIMAS DAT P/L	"	1
33. GRAME NUGNUT	"	6	106. EIZABETH PAUA	"	1
34. GEORGE KIA	"	1	107. AMOAI INVESTMENT P/L	"	1
35. AITA SANANUKEPE	"	1	108. DORCAS TANE	"	1
36. MEK PEARSON	"	10	109. YAPA IMUSA	"	1
37. FRANK AIRI	"	3	110. JAMES DOS	"	1
38. SIMON SANAGEKARE	"	1	111. WANDUI MALABA	"	2
39. A.N. POIMB	"	4	112. K. TIMBI	"	3
40. GIDEON HOROM	"	1	113. KEPSEN GIMBI	"	3
41. GABRIAL PEIL	"	1	114. ANDAJAKU A. WABIRIA	"	1
42. CITY BUS SERVICE	"	4	115. L. KINI	"	1
43. WILSON AMANI	"	5	116. WARI PURI	"	1
44. FRANK KAIA	"	1	117. PAUN NONGUOR	"	2
45. MARK ANTON	"	1	118. TANOI MEVRO	"	3
46. S.O. FAMILY	"	3	119. MOSES PINJE	"	1
47. ANDREW KERAP	"	2	120. KITS WAI	"	1
48. JOHN TEN	"	2	121. ERIC RANDI	"	1
49. ISO KUI	"	1	122. THOMAS NEGINTS	"	5
50. WIN HARRY	"	1	123. GAUNTE RAMBIO	"	4
51. MRS RITA WII	"	1	124. APIKE WALLY	"	4
52. DAVID KONT S	"	1	125. MOSES AUA	"	3
53. KAR MAIP	"	1	126. MARK TIMA	"	1
54. PETER MEL	"	1	127. MRS MONIC	"	1
55. LUKAS TAI	"	1	128. WAI PURI	"	1
56. HAM YAN KENI	"	3	129. SEPAKIN P/L	"	1
57. RONALD NIKINTS	"	1	130. MRS AI KUAMUGL	"	1
58. WARIA MAZINSA	"	1	131. GRAME NUGUNT	"	1
59. LUKE ROBINI	"	3	132. BEN TIKI	"	1
60. DEI HIR CARS	"	3	133. JOHN PUNDRI	"	10
61. KNO EVAU	"	1	134. CENTRAL TAXI P/L	TAXI	4
62. LAKA PAPA	"	1	135. PETER PIRE	"	1
63. SAMSON YEHERE	"	2	136. RICHARD BROWN	"	5
64. KALUA PROP	"	1	137. ANDREW DARBY	"	2
65. SILOK AUSAT	"	1	138. EIZABETH SOLOK	"	1
66. JONATHAN KIAP PONGA	"	1	139. SIBONA MAIRI	"	2
67. BEN KANOMBO	"	1			
68. CHRIS PUMBO	"	1			
69. JAMES ANJO	"	1			
70. REX AGUMMAGU	"	1			
71. IVAN BAFIKE	"	1			
72. PHILIP KIPIL JU	"	1			
73. KELLY MORA & FAMILY	"	1			

  
**MIRIA UME**  
 Secretary  
 Department of Transport & Works

# PNG'S only Business newspaper!



PNG

# BUSINESS

*Look out for  
the October issue  
coming out soon!*



only  
**50t**

## Don't Miss Your Copy!

PROUDLY PUBLISHED BY WORD PUBLISHING COMPANY PTY. LTD.

More information

Call us on Ph: 325 2500 or Fax: 325 2579



# PNGFA mas tenkyu long NCDPSSA long bringim Melo Kap long PNG

OLPELA presiden bilong Mosbi Pabik Sevans Soka Asosiesen (NCDPSSA) Francis Kasau i tok bikpela amamas i go long PNG soka tim husat i bin winim Melensian Kap long las wik Fraide.

Kasau i tok dispela em wangepela gutpela tim kosa Richard Nagai i bin gat. Long dispela as ol i pilai stret long save bilong ol na winim gem ya.

Em i amamas olsem PNGFA i mekim gutpela disisen long kisim bek Desmond Waku na Steven Mune long skwat. Bikos long las yia SP Gems, PNGFA i bin lusim tupela na dispela PNG tim i no kamap wantaim wangepela gutpela risal long Tahiti.

Em i tok sapos Desmond Waku na Geoffrey Emang i sanap long midfil, tupela bai pilai gut wantaim na gem bai i go gutpela. Nau PNGFA i bin singautim Manis

## SOKA RIPOT

Lamond long Sidni Australia i kam antap, em i mekim na ol pilaia bilong Solomon Ailan na Vanuatu i putim bikpela was long em. Long dispela as Batman Furigi na Roy Karang i skoa we Vanuatu pilaia i no bin was gut long tupela.

Tasol Kasau i tok PNGFA i mas tok amamas i go long NCDPSSA long hatwok bilong em long 1994 long kisim dispela Melensian Kap i kam long Papua Niugini long dispela yia.

Melensian Kap i bin kamap long Honiara long 1994 we PNGFA i no gat mani long salim PNG tim i go. Tasol NCDPSSA i bin go insait na givim mani long salim Mosbi pilaia i go husat em ol pablik sevans woka.

Kasau i tok long Honiara em i bin toktok wantaim menesa bilong Honiara tim Allan Boso long kisim Melensian Kap i kam long PNG. Em i bin kisim sapot long dispela taim na nau pilai i kam long hia.

Kasau i tok nau PNG i gat gutpela skwat husat i bin winim Melensian Kap na Wol Kap kwalifai, mipela i mas sanap long dispela mak nau. Mipela i no ken larim ol tok kros o politiks bilong soka i go insait na bagarapim dispela skwat na ol menesmen bilong em.

Em i askim tu ol eksekutiv bilong PNGFA long sanap stret long wok bilong ol na i no ken subim het o nus bilong ol i go insait long wok bilong skwat na menesmen bilong em. Em i askim PNGFA long sanap long dispela mak bilong skwat na mipela i ken go het moa.

Kasau i laik bekim na stretim las wik stori olsem Papua Niugini soka tim i no save winim Vanuatu. Em i tok Papua Niugini tim i bin autim tiket bilong Vanuatu 2-0 long 1994 long taim ol i go pilai long Honiara insait long Melensian Kap soka resis. Long dispela taim Vanuatu i bin kamap las na PNG i kamap namba tri long resis.

Dispela yia, PNG i nekim Vanuatu namba tu taim gen wantaim 2-1 skoa long las wik Fraide insait long las pilai bilong Melensian Kap na Wol Kap kwalifai.

Dispela win i mekim PNG i kamap sempion bilong Melensian Kap long dispela yia 1996.

Melensian Kap soka resis bai kamap gen long 1998. Pilai ya i save kamap olgeta tupela krismas.

# PNG bai bungim Fiji na Nu Silan

PAPUA Niugini soka tim i autim Vanuatu 2-1 long las wik na i redi long go insait long namba tu raun bilong Osenia rijen wol kap kwalifai.

PNG i bin pilaim namba wan raun bilong Osenia Wol kap kwalifai egens Solomon Ailan na Vanuatu long las wik i kam na i bin dro 1-1 wantaim Solomon Ailan na win 2-1 egens Vanuatu.

Dispela win bilong PNG i mekim em sempion tu bilong Melensian Kap soka tonamen we em tu i wangepela bikpela pilai insait dispela wol kap kwalifai. Solomon Ailan i kamap namba tu na em tu i gat sans long go insait long wol kap kwalifai. Solomon Ailan i no bin lusim wangepela gem. Em i dro 1-1 wantaim PNG na dro 1-1 gen wantaim Vanuatu.

Papua Nigini nau bai karim nem bilong liklik kantri bilong em i go insait long namba tu raun bilong wol kap kwalifai we em bai bungim Fiji na Nu Silan we ol i stap long grup tu.


## SOKA RIPOT

Solomon Ailan bai pilaim wina bilong Polinesian namba wan raun grup we Cook Ailan, Tonga na Westen Samoa i stap long en. Ol bai pait long winim ples long namba tu raun we Tahiti na Australia i stap long en.

Insait long dispela resis bilong namba tu raun bilong wol kap kwalifai, ol wina bai go moa long bungim ol soka tim bilong ol bik kantri long Esia rijen. Na wina bilong dispela resis wantaim Esia rijen bai winim ples long kik insait long bikpela Wol Kap soka resis long 1998 long Frens.

PNG nau i makim nem bilong ol Melensian Kantri long kik insait long ol kwalifai grup. Solomon Ailan tu i gat wangepela sans long pilai long dispela grup em i stap long en.

Ol gol bilong PNG egens Vanuatu i bin kamap long Batman Furigi na Roy Karang bilong Mosbi Yunivesiti soka klap.



Lokol stail... • Aimbai soka tim em sempion gen long 8-pela krismas nau long Madang provins. Ol i save kik long Simbai distrik long olgeta indipendens de.

BIKPELA tok amamas i go long PNG soka tim long winim Melensian Kap soka taitel long las wik taim em nekim Vanuatu 2-1 long fultaim. Sapos PNG i bin dro wantaim nogat skoa, bai Solomon Ailan i winim dispela taitel bek. Solomon Ailan i difending sempion bilong tonamen ya long 1994.

Planti bilong ol pilaia long dispela skwat em ol olpela pilaia bilong PNG tim long planti intanesenel soka resis i kam. Ol boi olsem Abaing Kera, Willie Bera, Steven Mune, Francis Moyap, Roy Karang, Desmond Waku, Geoffrey Emang, Gidix Nasa, Duri Yarawi na Joe Aisa.

Tasol dispela skwat tu i gat ol nupela blut i stap long en. Na dispela win inap kirapim tru bel na tingting bilong ol we inap mekim ol i kamap strongpela pilaia long bihain. Ol yangpela pilaia olsem Richard Daniel, Masi Ngaya, Kelly Jim, Chris Nagai, Ben Luluwai na Batman Furiji.

# PNG wokim nem long Melensian Kap

Nau ol dispela pilaia i luksave long wanem kain rot na strong ol i mas kamapim long pilai wantaim na winim gem. Ol i luksave gut nau long gem bilong wangepela na narapela. Ating dispela em bikpela samting olgeta pilaia i mas i gat long ol wanwan.

Ating bikpela bel amamas na sapot tu i kam long sponsa. Sapos i gat gutpela sapot na helpim long sait bilong sponsa, ol pilaia bai i gat gutpela bel kirap na amamas long pilai wantaim.

Ating long dispela yia, PNG soka tim i kisim bikpela sapot tru long sait bilong sponsa na ol helpim long wanwan bisnis grup, gavman na ol bikman tu. Ating dispela olgeta sapot i bungim na mekim bel bilong olgeta pilaia i stap gut na ol i pilai gut tru wantaim.

Olsem na mipela i mas tok amamas i go long MRDC, Morobe



provinsal gavman na nesene gavman long helpim bilong ol. Arapela bisnis grup tu yumi mas amamas long helpim bilong ol.

Ating ol lain i go pas long mekim pilai i kamap, ogenaising komiti tu i mekim bikpela na gutpela wok tru long mekim bel bilong olgeta pilaia i stap gut na amamas tasol long gut raun na pilaia bilong ol. Ol i no bungim wangepela hevi long ol samting ol i laikim tong yusim long pilai.

Sapos yumi ken lukluk i go insait long dispela olgeta sapot na

helpim soka tim bilong PNG i bin kisim na tu long lukautim dispela pilai long PNG, dispela i soim tru pasin bilong wanbel na mekim samting wantaim. Dispela i soim tru sapot yumi gat long dispela gem na skwat bilong yumi. Maski yumi amamas long lukautim gem hia long PNG long soim olsem PNG i ken lukautim dispela bikpela pilaia gut. Tasol ating bikpela sapot tru insait long bel na tingting bilong yumi olgeta em long lukim PNG i win.

Dispela kain sapot na sponsa long PNG tim long soka na arapela spot tu i mas kamap olsem moa yet long bihain.

Nau Richard Nagai bai i stap olsem nesene kosa bilong PNG soka tim long narapela tripela krismas, em i mas wokim longpela taim plen bilong dispela skwat. Em i mas was gut long ol pilaia bilong em na lukim wanem



kain senis em wanwan i wok long bung long pilai na sindaun bilong ol. Nogut sampela bai i no inap stap fit moa long neks yia o tupela krismas bihain.

Olsem na em i mas wokim gutpela plen bilong sanap long en na glasim ol pilaia na skwat bilong em. Long dispela rot tu, em i ken save long husat i ken go insait long skwat na kisim ples na husat i fit yet long stap insait long skwat.

Bikpela tenkyu tu i go long gutpela sapot bilong ol manmeri long Lae siti na Morobe provins long gutpela na bikpela sapot yupela i soim long soka long las wik. Arapela husat tu i bin kam long arapela provins tu, yupela olgeta i soim tru gutpela pasin bilong sapot na mi save olsem ol brata bilong mipela long Solomon Ailan na Vanuatu bai i no inap lusim tingting long gutpela pasin na sapot ol i bin lukim na kisim long stap bilong ol hia long Papua Niugini.



# WANTOK SPOT



• PNG tim husat i winim Melanesian Kap na Wol Kap kwalifaia resis egensim Vanuatu 2-1 las wik. Baksait: Duri Yarawi, Gidix Nasa, Wesley Waiwai, Chris Kataka, Abiang Kera, Willie Bera, Steven Mune, Batman Furigi, Manis Lamond na Masi Nayang. Fran: Ben Luluai, Francis Moyiap, Harrison Kamake, Geoffrey Emang, Roy Karang, Joe Aisa, Richard Daniel na Desmond Waku.

## PNG winim Melo Kap namba wan taim

### HENRY MORABANG i raitim

PAPUA Niugini i brukim tru rekot bilong soka taim em i winim Melanesian Kap long las wik Fraide.

Ol boi PNG i nilim Vanuatu 2-1 long las gem bilong Melanesian Kap na Wol Kap kik resis long Sir Ignatius Kilage stadium long Lae.

Dispela win nau i helpim PNG long stap insait long namba tu raun bilong Wol Kap kwalifaia bilong Osenia rijon. I min olsem PNG nau bai bungim Nu Silan na Fiji long neks wol kap resis.

Long rekot bilong Melanesian Kap, ol kantri i holim dispela kik resis i save win. Dispela toktok i no popaia taim PNG i winim Melanesian Kap na tu Fair Play tropi. Dispela Fair Play tropi, ol ogenaia bilong tonamen i save givim long ol tim husat i save pilai gut na tu i no kisim plant ret na yet kat.

Insait long kik resis ya, planti man i ting Solomon Ailan bai win. Tasol ol i no tingim PNG ya.

Long namba wan gem, PNG i dro wantaim Solomon 1-1, na namba tu gem,

Solomon tu i dro gen wantaim Vanuatu 1-1 na dispela i givim bikpela sans tru long PNG i ken winim dispela Melanesian Kap ya.

Gutpela tingting bilong kosa bilong PNG, Richard Nagai long senisim Desmond Waku na Steven Mune i helpim tru PNG long win ya.

Taim kosa i putim Batman Furigi na Francis Moyiap i go, dispela i kirapim tru paia long tim bilong PNG.

Vanuatu i bin putim namba wan gol insait long 25 mini long namba wan hap bilong pilai. Bikos ol pilai olsem kepton Noel Vari i bin lukautim gut dispela gem. Vanuatu i gat planti ol gutpela sans long brukim kiau tasol golkipa bilong PNG Willie Bera i urita na holim bai ya.

Bel bilong Richard Nagai i kirap na wantu tru i mekim ol senis ya. Olsem na Moyiap na Furigi i go insait.

Long namba wan hap, Vanuatu i go pas long skoa 1-0.

Insait long namba tu hap, Nagai i bin mekim sampela strongpela toktok tru olsem na ol pilai i senisim stail bilong ol.

Smok balus Moyiap i no sotwin. Em i

pait hat tru long bagarapim plen bilong beklain bilong Vanuatu. Olsem na tupela winga Furigi na Roy Karang i putim dispela tupela gol bilong PNG.

Namba wan gol bilong PNG i kamap taim midfilda Richard Daniel i salim bal i go long Furigi. Em i bin putim bal long saitalin i go na salim long Moyiap na Manis Lamond. Wanpela bilong tupela i kik i go na kam stret long Furigi na em i brukim umben isi tru ya.

Dispela gol i kamap long 5 minit bipo long gem bai pinis. Tasol dispela i no inap yet. Arapela gol i kamap taim ol straika bilong PNG i paulim ol fulbek bilong Vanuatu na boi Siassi, Karang i saitim long sait klostu long gol pos na pairapim net bilong ol Vanuatu ya.

Dispela gol na amamas i kamap long 2 minit bipo long fultaim.

Kosa Richard Nagai i tok em i amamas tru long ol pilai bilong em. Dispela win bilong PNG i olsem presen bilong 21st anivesari bilong PNG ya.

Em i tok olsem olgeta boi i pilai gut tru ya. Manis Lamond, Richard Daniel na olgeta boi i pilai gut long winim kap.

## Klostu OFC presiden rausim Melo Kap

HENRY MORABANG i raitim

TRIPLELA kantri, Papua Niugini, Solomon Ailan na Vanuatu i strong yet olsem Melanesian Kap bai i stap yet.

Long dispela wik, presiden bilong Osenia Football Konfederesen (OFC), Charles Damsey i mekim strongpela toktok long rausim Melanesian Kap bikos Fiji na Nu Kaledonia i kam long dispela kik resis.

Damsey i tok Fiji na Nu Kaledonia i no luk-save long ol kik resis we FIFA i ogenaism long Osenia rijon. Dispela i hatim tru bel bilong presiden na em i laik stapim na rausim dispela kik resis.

Insait long wanpela spesel miting long Melanesian Hotel long Lae, tripela kantri i pasim tok olsem Melanesian Kap bai i stap yet.

Presiden bilong PNG Futbol Asosiesen Peter Mommers i tokim Wantok olsem bikpela wari nau i stap long Fiji. Fiji bai baim olsem \$Fiji 500 i go long opis bilong OFC long Nu Silan.

Mommers i tok Nu Kaledonia i no ful memba bilong FIFA, na Osenia bai i no inap mekim planti toktok long ol. Tasol, ol memba kantri i mekim strongpela toktok olsem ol i mas stap long neks Melanesian Kap.

Tripela kantri ya i tok olsem Melanesian Kap kik resis i strongim ol kantri insait long Osenia rijon ya.

Taim Melanesian Kap kik resis stat long 1988, gavman bilong Solomon Ailan tasol i bin givim ful sapot long ol. Gavman i save makim sampela mani aninit long baset bilong ol long sapatim wok redi bilong Melanesian Kap. Vanuatu na PNG i no save kisim gutpela helpim tumas long gavman bilong ol.

## Vanuatu bai holim 1998 Melanesian Kap

Vanuatu bai holim namba 5 Melanesian Kap long yia 1998. Vanuatu i winim resis bikos Solomon Ailan na PNG i bin holim pinis. Fiji i no bin stap insait long dispela resis bilong holim Melanesian Kap bikos em i no bin kamap long kik resis las wik.

## Anda 17 tonamen redi long kamap

ANDA 17 nesanel soka sempionsip bai kamap long Novemba 22 na 24 long Lae. Nesanel Yut soka kosa Ludwig Peka i tokaut long aste.

Peka i tok Papua Niugini Futbol Asosiesen (PNGFA) i givim tokorait pinis long holim kamap dispela soka resis long Lae long mun Novemba. Bai Lae Futbol Asosiesen (LFA) i lukautim dispela yut tonamen.

Peka i tok strong olsem olgeta senta husat bai salim tim bilong ol i kam long soka resis ya i mas sekim gut krismas bilong ol pilai bilong ol. Em i askim olgeta pilai long soim klinik buk bilong ol long soim olsem mama i karim ol long Ogas 1 1980 o bihain long dispela mun na krismas.

Peka i tok insait long dispela Anda 17 soka tonamen, bai ol

i makim junia skwat bilong makim Papua Niugini long go kik insait long Osenia Anda 17 tonamen long neks yia long Nu Silan. Olsem na olgeta pilai i mas gat rekot stret bilong taim mama i karim ol. Bai ol i no ken bungim hevi long wanpela pilai taim ol i makim em long skwat.

Nesanel Yut kosa i tok bai em na ol soka opisel i no inap

long bilip long husat pilai i soim Stetutori Dekleresen (State Dec) fom long makim krismas bilong ol. Ol bai bilip tasol klinik kat o sista kat.

Long dispela taim nau, i gat 8-pela wik i stap long olgeta soka asosiesen i stat long redim anda 17 tim bilong ol long go kik long Lae long mun Novemba.

- Bogenvil boksen grup - 23
- Basketbal pilai pret long birua - 23
- PNGFA mas tenkyu long NCDPSSA - 22
- PNG tim bungim N/Silan na Fiji - 22
- Ol spot poto na dro - 21
- 8 pes Ragbi Lig Niugini

# RAGBI LIG

NIUS

## OL SIDNI LIG GREN FAINEL TIM BILONG DISPELA WIKEN

SYDNEY, Sept 24 AAP - Teams for the rugby league grand finals at the Sydney Football Stadium on Sunday, September 29:

### FIRST GRADE:

**Manly vs St George (2.40pm AEST).**

**SEA EAGLES:** Matthew Ridge, Danny Moore, Craig Innes, Terry Hill, John Hopoate, Cliff Lyons, Geoff Toovey (c), Des Hasler, Nik Kosef,

Daniel Gartner, Steve Menzies, Mark Carroll, Jim Serdaris, Owen Cunningham, David Gillespie (two to be omitted). res: Neil Tierney, Jack Elsegood, Scott Fulton, Craig Hancock, Matthew Dunford, Matthew Guberina.

**DRAGONS:** Dean Raper, Nick Zisti, Mark Coyne (c), Mark Bell, Adrian Brunker, Anthony Mundine, Noel Goldthorpe, Wayne Bartrim, Scott Gourley, David Barnhill, Luke Felsch, Jeff Hardy, Troy Stone. res: Lance Thompson, Colin Ward, Nathan Brown, Chris Quinn, Ricky Walford, Kevin Champion, Jim Lenihan, Daniel Wagon, Ben Kusto, Brad Smith, Damien Smith, Colin Saukuru, Adam Peek.

### RESERVE GRADE:

**CRONULLA v AUCKLAND (12.10pm AEST).**

**SHARKS:** Ben Sammut, Brett Howland, Russell Richardson, Geoff Bell, Matt Daylight, Kurt Wrigley (c), Shane Cairns, David Boughton, Dion Cope, Tiann Strauss, Gavin Jones, Paul Fisher, Stuart Pierce. res: Andrew Pierce, Adam Dykes, Nick Graham, Wade Forrester, Damian O'Donnell, Matt Clifton, Luke Taper, Jason Buchanan, Bryan Laumatia, Jason Writer, Matt Manning, Gavin Dolso.

**WARRIORS:** Doc Murray, Paul Staladi, Nigel Vagana, Tony Tatupu, Iva Ropati, Shane Endacott, Aaron Whittaker (c), Brady Malam, Aaron Lester, Dallas Mead, Tony Tuimavave, Bryan Henare, Logan Swann. res: Meti Noovao, Paul Rauhihi, Hitro Okesene, Lawrence Tagaloa, Ben Fahey, Gavin Hill.

### PRESIDENT'S CUP:

**SOUTH QUEENSLAND v PARRAMATTA (10.20pm AEST).**

**CRUSHERS:** Paul Hubbard, Scott Lawson, Ben Roedder, Brook Eadie, Quinton Nicol, Gary Jarrett, Scott Thorburn, Mark Burton, Phil Mooney, Heath Cruickshank, Damien Durnford, Nathan Antonik (c), Paul Woodward. res: Tim Donovan, Ron Dennis, Nathan Sologenkin, Mark Tookey, Ryan Russell, Darren Ingram, Jason Campbell, Shannon Hill.

**PARRAMATTA:** Jamie McMahon, Andrew Frew, Nathan Carr, David McLean, Michael Corrie, Simon Scanlan, Steven Jolly, Adam Capovilla, Nathan Kolna, Steven Crouch, Tom Rando, Luke Marincovic, Nathan Cayless. res: Greig Harland, Shannon Poa, Colin Brennan, Christian Robertson, Chris Falfua, Ronnie Davis, Anthony Grounds, John Kovac, Daniel Paolini.



• Raithan: Adrian Lam long Kumuls jesi.  
• Antap: Menesa bilong Lam, Sam Ayoub i sanap wantaim Lam na narapela Kumuls pilaia John Okul.

# Lam bai keptenim ol Kumuls na Palais

...dispela i agrimen bilong ARL na menesa bilong Lam

### RODNEY KAMUS i raithim

KUMUL kepten Adrian Lam i kisim tok orait pinis bilong Australian Ragbi Lig (ARL) long pilai wantaim Papua Niugini Kumuls Supa Lig tim long tes pilai bilong ol egensim Great Britian Lions.

Lam i bin kisim tok orait bihain long Papua Niugini Ragbi Futbal Lig (PNGRFL) i orait long em i ken pilai tu long sait bilong Nesenel Ragbi Lig bilong Papua Niugini (NRLPNG) long neks mun taim ol Australia Kangaroo i kam pilai long Mosbi.

Lam i sainim kontrak wantaim ARL na PNGRFL em i sait bilong Supa Lig. Em i laki long wanem em bai makim tupela sait wantaim na i nogat kros bai kamap.

Tasol sampela ol narapela pilaia bilong Great Britian olsem Jason Robin na Lee Jackson ino inap makim kantri bilong ol.

Ripot i kam long Australia Asosiated Pres (AAP) i tok olsem menesa bilong Lam, Sam Ayoub husat i bin go pas long mekim dispela wok i pasim toktok wantaim ol ARL opisal.

Tasol long raun bilong ol Kumuls long i go long Nu Silan long pilai egensim ol

Kiwis ino gutpela tumas long wanem em ino kisim tok orait yet.

I luk olsem Lam bai ino inap pilai long namba wan tes pilai egensim Nu Silan long wanem em bai go pas long NRLPNG tim egensim ol Kangaroos long dispela taim.

Tasol sapos menesa bilong em i pasim gut toktok gen wantaim ARL, i luk olsem Lam bai go insait long namba tu tes egensim ol Nu Silan long Rotorua.

Long wankain stori yet, kosa bilong Great Britian Ragbi Lig tim husat bai bungim ol Kumuls long dispela wik Sarere long Lae i tok olsem em i bilip olsem ol Kumuls i wanpela strong sait nau taim ol i stap long asples bilong ol yet.

Olsem na em ino inap kisim ol isi tasol. Em i sevim olgeta bikpela nem pilaia bilong em long dispela wanpela tes pilai egensim ol Kumuls long Sarere.

Larder husat em i kam long PNG 4-pela taim olgeta nau i tok olsem em i lukim ol Kumuls i pilai long Wol Kap long las yia na tu long Wol 9,s resis long Fiji long dispela yia na i tok olsem ol i wanpela gutpela sait tru.Em i tok olsem PNG i bin dro wantaim Tonga na klostu ol i winim ol Nu Silan na

em i save long wanem samting ol i ken mekim.

Em i tok olsem Kumul kepten Adrian Lam em wanpela man nogut tru na tu dispela i wankain olsem David Westley na Bruce Mamando bilong Canberra Raiders wantaim tupela pilaia bilong PNG long Inglen em Stanley Gene na Marcus Bai.

"Mipela i rispekim Lam long wanem em i wanpela gutpela pilaia na i save oge-naisim gut ol samting na pilai gut tru," Larder i tok.

Ol Lions tu i save wanem samting Gene i mekim tasol ol i ken pasim em long wanem em i gat sampela hevi long sait bilong em.

Dispela i wankain long senta Marcus Bai tu wantaim narapela senta Robert tela em sapos ol i kisim liklik spes ol i ken ranawe i go na putim trai egensim ol.

Tasol prop bilong Mendi Muruks Raymond Karl em i wanpela nupela pes long Kumul sait na ol Lions ino save long wanpela samting long dispela man. Long las tupela wik, ol i traim hat tru long ritim ol nius bilong em.

Karl bai stat pas long tupela ekspiens fowat em Max Tiri na Ben Bire.



# Kumuls gat bikpela sans long winim ol Lions

**RODNEY KAMUS i raitim**

KUMUL kosa Bob Bennett i makim wanpela strongpela tim tru bilong Papua Niugini Kumuls long bungim ol Great Britian Lions long wanpela tes pilai long dispela wik Sarere long Lae.

Dispela strongpela tim i karim namba wan 17 man em i kam logn ovasis na tu strongpela inta siti kompetisen bilong kantri long dispela yia.

Tupela olupela fowat husat i gat bikpela ekepiriens em Ben Bire na Max Tiri em ol i stap olsem risev bihain long Kumul kosa i lukluk long

fom bilong ol narapela fowat insait long resis.

Posisen bilong fulbek i pas long han bilog Lae Bombers fulbek Robert Sio husat i gat eksperiens na save ron strong tru long dispela eria.

Hagen Eagles winga James Kops wantaim senta/winga David Gomia bai pilai long tupela winga taim Hull ragbi lig senta Marcus Bai bai poroman wantaim Robert Tela bilong Lae Bombers long senta.

Bai husat i bin kamapim gutpela pilai tru long Inglen na i gat strongpela difens na gutpela ateking save bilong em bai kamapim planti het pen tru egensim ol Lions long dispela wik Sarere. Em bai kisim gutpela sapot

tru i kam long Tela long dispela posisen.

Narapela biknem senta bilong kantri John Okul ino kisim seleksen long wanem nau yet em i gat bagarap long bodi bilong em. Okul i save pilai wantaim Hull Kingston Rovers long Inglen tu wantaim faiv -eit Stanely Gene. Posisen bilong faiv-eit na hapbek em bai stap long tupela strongpela man tru bilong pilai. Wanpela em gutpela difens bilong em na narapela em gutpela pilaia bilogn atek. Stanely Gene bai sanap long faiv-eit na Adrian Lam husat tu i Kumul kepten bai pilai long hapbek.

Long sait bilong ol fowat, namba tu kepten Elias Paiyo bai go pas long ol

wantaim gutpela sapot tru i kam logn Bruce Mamando na David Westley husat bai pilaim lok. Paiyo long huka, Mamando, na Simon Kundi em ol strongpela man long sanap long seken row. Taim Mendi Muruks prop Nander Yer na Raymond Karl bai bosim dispela posisen.

Long risev sait em bai tupela senta bilong Capital City Cowboys em Obert Batia na Zackery Kipsy bai lukautim na tupela fowat em Max Tiri na Ben Bire.

Bennett i tokaut olsem dispela tim i wanpela strongpela tru na ol Lions i mas tingting gut long wanem dispela em as graun bilong ol Kumuls na ol i ken kamapim wari long ol Lions.

Tupela man dai long Inta Siti gren fainel

**KOSTEL** Plis Komanda Tony Kulunga i tokaut olsem tupela man tasol i bin dai long bikpela pait i bin bruk long Lae Ragbi Lig graun long las wik Sande.

Na tupela man ya em ol plisman i tokaut olsem tupela wantaim i bilong Sauten Hailens provins husat i dai taim pait i bruk namel long ol sapota bilong Kundiawa Warriors sapota na Mendi Muruks long gren fainel bilong SP Inta Siti Kap long Lae las wiken.

Kulunga i tokaut long nem bilong tupela man ya olsem Amos Karepe husat i gat 40 krismas bilong Tari i dai bihain long em i kisim bagarap long het bilong em na James Ariando husat i gat 50 krismas bilong plis Polokolopo i dai taim em i pulim planti tiages em ol plisman i pairapim.

Bikpela pait i bin bruk long Lae ragbi lig graun long Sande taim tupela senta ya Kundiawa Warriors na Mendi Muruks i pilai long gren fainel bilong ragbi lig inta siti kap.

Taim Mendi Muruks i bin go pas long skoa long 29-10 insait long namba tu hap bilong pilai, bikpela pait i bin bruk long gren sten.

Taim ol lain i stap long sait i lukim olsem bikpela pait i bruk, ol kalap i kamdaun na raunim ol manmeri husat i sapotim ol Muruks na tu sampela pilai.

Ol plisman i traim long stopim dispela pait tasol ino inap long wanem planti tausen manmeri i ron nambaut.

Planti manmeri tru i bin kisim bikpela bagarap long dispela pait na ol plisman i wok long mekim wok painimaut mao yet logn husat tru i kamapim dispela hevi.

Papua Niugini ragbi Futbal Lig (PNGRFL) tu bai tokaut gut tru long husat tru i wina bilong dispela resis bihain long pilai namel long Kumuls na British Lions long Sarere.

Long wankain stori yet, gavana bilogn Sauten Hailens i makim Tride olsem dei bilong malolo na tingim ol lain husat i dai na kisim bagarap long dispela hevi long Lae.



• Newtown Panthers A gret tim husat i winim ol Brothers long Madang lig las wiken. Poto: Ben Taumai.

## Newtown Panthers winim Madang lig taitel

**BEN TAUMAI i raitim**

NEWTOWN Panthers long Madang i tok gutbai long olupela faiv-eit bilong ol Johnson Gorea wantaim gutpela presen tru long winim ol Brothers 22-16 long gren fainel bilong Madang ragbi lig long las wik Sande.

Nupela king bilong Madang ragbi lig i kisim bikpela tropi bilong Benson & Hedges wantaim K600 mani taim Brothers i kisim K400 olsem tim i kamap namba tu.

Ol Panthers tu i kisim tikek long makim Madang long Cambridge Nesanel Klub sempionsip bihain liklik long dispela yia.

Patron bilogn Madang lig Stanley Phil i statim op dispela pilai we Benson & Hedges Jenerel Menesa Mark Gribble tu i lukim wantaim samt-

ing olsem 3000 manmeri na sapota olgeta.

Gorea husat i pilai wantaim ol Panthers long las 10 yia i tokaut olsem em bai pinis long pilai bihain long gren fainel.

Em i tok olsem em i amamas tru long dispela win long wanem dispela em bai ino inap lus tingting long ol yia i kam antap.

Gorea i bin pilai gut long faiv-eit we em i kikim gut bal na setim ol beklain pilaia we ol Brothers ino inap long bekim.

Panthers em ol namba wan lain long skoa taim hapbek Simon Jack i silip antap logn trai lain na bihain em i kikim konvesen long putim ol pas 6-0. Dispela trai i bin kamap bihain long gutpela bal wok i kamap namel long olgeta pilaia.

Brothers em Joe Tipaiza i go pas long ol wantaim Paul Minape, Malt

Ulg, David Nigins na Ipul Mom i tarim olgeta samting ol i gat long buk long traim na brukim strongpela banis bilong ol Panthers tasol dispela i bin hat liklik long ol. Difens bilong ol Panthers i bin strong tru ol brik wol.

Insait long laspela 15 minit bilong namba wan hap bilong pilai ol Panthers i putim tupela moa trai na Jack i kikim wanpela tasol i go insait.

Long haptaim ol mangi Newtown i go pas gut tru long 16-0.

Go insait long namba tu hap bilong pilai Paul Minape i pait hat strong tru wantaim ol mangi bilong em long traim na pulim pilai i kam long sait bilong ol.

Na 7-pela minit tasol i go insait long namba tu hap bilong pilai, Minape i skorim wanpela moa trai. Insait long dispela pilai olgeta Minape i bin putim tripela trai olgeta. Ol trai bilong Minape i kamap long wanem ol

Panthers i ting olsem ol i winim pilai pinis tasol kosa Andrew Limi i salim trena Lysatt Griffin i go insait na tok-save logn ol mangi olsem pilai ino pinis yet. Dispela i mekim na ol Panthers i strongim difens bilong ol i go inap long pilai i pinis.

Kosa bilong ol ol Panthers sait Limi i tok olsem em i amamas tru long wei ol mangi bilong em i pilai na tok olsem olgeta mangi bilong em i pilai gut tru. Limi tu i tenkim Hailens Gol long baim ol nupela jesi bilong o em ol i bin werim na pilai long gren fainel.

Kepten Lance Tivera i mekim wankain toktok na tok olsem ol i bin traim hat tru long winim dispela tropi insait long las 8-pela yia tasol nau em ol i winim pinis. Ol lain husat i pilai hat tru long sait bilong ol Brothers em Minape, Ningins, Alison Phil, Malt, Tipaiza, Starlet Koko na Henry Mamang.

# The road to *Glory* week 1

# week 2

# betting



Game A - Friday, Sept 6 - Parramatta Stadium

**CRONULLA 20, WESTS 12**

Loser eliminated

Game B - Saturday, Sept 7 - SFS

**ST GEORGE 16, CANBERRA 14**

Loser eliminated

Game C - Saturday, Sept 7 - Suncorp Stadium

**NORTHS 21, BRISBANE 16**

Winner to Game G, loser to Game E

Game D - Sunday, Sept 8 - SFS

**MANLY 16, ROOSTER 14**

Winner to Game H, loser to Game F

Game E - Saturday, Sept 14 - SFS

**CRONULLA 22, BRISBANE 16**

Winner to Game H, loser eliminated

Game F - Sunday, Sept 15 - SFS

**ST GEORGE 16, ROOSTERS 16**

Winner to Game G, loser eliminated

	MANLY	1/3
	ST GEORGE	2/1

# week 3

Game G - Saturday, Sept 21 - SFS

**ST GEORGE 29, NORTHS 12**

Game H - Sunday, Sept 22 - SFS

**MANLY 24, CRONULLA 0**

# Grand final

Game I - Sunday, Sept 29 - SFS

**St George v Manly**



betting supplied by CENTREBET



**peter frilingos**

Ekspiriens bilong las yia we ol i lus egensim Canterbury bai gutpela samting tru long ol Sea Eagles dispela taim. Ol bai go insait long dispela pilai wantaim gutpela rekot bilong difens egensim wanpela sait we bai testim ol long olgeta hap kona. Difens bilong Manly i ken stopim ol strongpela man olsem Anthony Mundine na tu givim sampela atek pawa bilong ol tu i go long kain ol man olsem Daniel Gartner, Geoff Toovey, Cliff Lyons na Steve Menzies.

**I TIP MANLY**



**ray chesterton**

Olgeta taim St George i kirapim wari bilong mipela wantaim ol strongpela pilai bilong ol, Manly i save mekim wankain na gutpela wok moa. Manly i stap strong tru egensim ol Sharks na skoa ino soim olsem ol bai lus. Wantaim wanpela wik long stretim ol asua bilong ol na kamapim sampela nupela trik, Manly i luk olsem ol i mas stap feveret. St George i bin kamapim planti kainkain samting i gutpela long dispela yia na sapos ol Manly i pasim gut Anthony Mundine, olgeta samting bai kamap gut long pilai bilong ol.

**I TIP MANLY**



**tony adams**

St George i rol nau na ol bai putim bikpela samting long spirit bilong ol wantaim dispela draiv long bagarap masin bilong ol Manly. Olgeta man i save olsem Manly bai win, tasol ol strongpela tingting bilong wari i stap long rot bilong ol lain long Kogarah. Dispela pawa ol Saints i bin kamapim long ol wik i go pinis i mekim mi bilip olsem ol bai kamapim wanpela bikpela wari tru bilong gren fainel.

**I TIP ST GEORGE**



**tim prentice**

Ol mangi bilong Bob Fulton i mas mekim rum long kabinet bilong ol logn putim namba 6 tai-tel bilong Manly tasol dispela bai ino inap kam isi. Ol lain bilong go egensim ol em Mundine na Goldthorpe i wok long ronim wanpela bikpela wari tru na bai mekim ol Sea Eagles i wok hat tru long olgeta hap kona tupela i ron. Difens bilong Manly i tait nogut tru, na ol i gat ol pilai husat i ken winim geim bilong ol long olgeta hap bilong pilai graun na tu ol strongpela man bilong ol olsem Cunningham, Gillespie, Ridge na Hasler i pilaim las pilai bilong ol wantaim klab ya na i luk olsem Manly bai win

**I TIP MANLY**



**dean ritchie**

I nogat wanpela sait em difens bilong ol i strong tru olsem Manly insait long wol. Na tru mi ken tingim bek wanpela gutpela difens tim. Wantaim dispela i stap long tingting bilong mi, em bai hat tru long abrusim ol Sea Eagles long win long dispela wiken. Dispela rot ol i pasim ol Cronulla long las wik Sande i bin bikpela samting tru, Mi lukim i nogat wanpela rot ol Dragons i ken pasim Manly. Anthony Mundine em wanpela man ol Manly i mas pasim.

**I TIP MANLY**



**jon geddes**

I gat olpela hap toktok bilong ragbi lig i stap olsem wanpela tim i mas lusim wanpela gren fainel bipo long ol i winim wanpela. Ol Sea Eagles husat i lus egensim ol Canterbury long las yia em nau ol i redi long kisim wanpela win long dispela wik Sande. Ol strongpela bek rowa pilai bilong Manly olsem Kosef, Menzies na Gartner bai kamapim ol bagarap na strongpela takel bilong ol bai bagarapim stret sindaun bilong ol Dragons.

**I TIP MANLY**

## Tumbuna marasin bilong Vietnam helpim Hill long pilai

WANPELA lapun man Vietnam husat i ranawe long ples bilong em na kam long Australia 15 kris-mas i go pinis em biknem man nau bihain long em e helpim na Manly i winim Cronulla.

Long Nguyen em man husat i bin wok hat tru long lukim olsem Manly senta Terry Hill i go insait na pilai bihain long em bin bagarapim lek bilong em nogut tru long pilai egensim ol Sidni Siti.

Long em wanpela save man bilong stretim ol bun i bagarap wantaim tumbuna pasin na em

bin wok long Hill long las wik na helpim em long pilai egensim Cronulla las wiken.

"Yu-ken stretim ol bagarap long skin bilong we i gat presa long em," Long i tokaut.

"Dispela em wanpela kung fu man i bin lainim mi long Vietnam,"

Namba wan taim bilong Hill long bungim Long em long Chinatown we ol poroman i bin soim em. Dispela taim Hill i bin gat wanpela bagarap long solda bilong em. "Tripela wik bihain long em i stat wok long mi, mi ino wari

long werim solda ped moa," em i tok.

"Mi traime long baim em long wok em i mekim long mi tasol em i les long kisim mani long mi.

Hill i tok olsem Long i wok long em long bikpela taim tru long Sarere nait, Hill i silip long haus bilong em na Long i wok gen long lek bilong em namba wan samting tru long moning.

"Em i ken kamapim kainkain samting," Hill i tok.

Bihain long ol i pilai pinis na win egensim Cronulla, Long i kam bek

na wok long Hill gen. "Lek bilong mi i luk olsem bai bruk na mi ino inap pilai long gren fainel," Hill i tok long Sande nait.

Manly tim dokta Nathan Gibbs i tokim Hill long wet inap 48 hours long lukim bagarap bilong em i orait olsem wanem.

Long stat long las wik Sande i kam inap nau, Long bai poroman-im Hill gen.

Hill i tokaut olsem long Fraide apinun, em i ting olsem em bai ino inap pilai. Em i ron liklik long Sarere moning na bihain i testim

gen long Sande moning bipo long pilai.

"I bin gat liklik pen na dispela i mekim na mi kisim sut bilong pasim pen na mi pilai," Hill i tok.

"Dispela em sampela samting yu mas mekim sapos yu laik pilai semi fainel futbol."

Hill i tok olsem lek bilong em i stat long pen liklik taim pilai i laik pinis long wanem pawa bilong ol i pinis.

"Mi traime long stap long pilai graun na pilai yet tasol dispela i planti tumas olsem na mi kamaut."

# 1996: Narapela bikpela



• Vipers senta David Mune salim bal i go aut long poroman bilong em long wanpela pilai long Kwinslen Kap resis.

1996 em i narapela yia bilong developmen gen bilong ragbi lig insait long kantri. Planti gutpela samting i kamap na tu sampela samting i no gutpela i kamap. Tasol ragbi lig long Papua Niugini i go strong moa yet we moa pilaia bilong mipela i kisim moa save na kamapim strongpela tim. Ragbi Lig Ripota bilong Wantok, **RODNEY KAMUS** i lukluk bek na glasim dispela 1996 ragbi lig yia:

## Supa Lig Wol 9,s Fiji

PAPUA Niugini Ragbi Futbol Lig bihain tasol long ol i sain wantaim Supa Lig i salim namba wan tim bilong PNG Supa Lig pilaia i go long Supa Lig Wol 9,s long Fiji. Dispela i wanpela bikpela samting tru long stori bilong ragbi lig long kantri we Wol 9,s tim bilong mipela i bin kamapim bikpela histori tru long go insait long gren fainel bilong dispela pilai wantaim Nu Silan. PNG i bin autim Great Britian long kamap long fainel na Nu Silan i winim Australia. Tasol long las minit bilong pilai, PNG i lus long ol Nu Silan na winim K15,000 mani. Elias Paiyo i bin keptenim ol Kumuls.

## Broncos vs Penrith na Vipers vs Western Suburbs

MOSBI i bin kamapim olsem sentrel ples bilong ragbi lig na aninit long Supa Lig kontrak wantaim PNGRFL, Brisbane Broncos i bin kamap long Mosbi long pilai egensim ol Penrith. Planti manmeri i bin kisim sans bilong ol ong lukim ol biknem pilaia olsem Steve Renouf, Allan Langer, Kevin Walters na John Cartwright. Long narapela sait bilong Australian Ragbi Lig, Pot Mosbi Ragbi Lig (PRL) husat i afiliat bilong Kwinslen Ragbi Lig(QRL) i kamapim wanpela pilai namel long Western Suburbs na Pot Mosbi Vipers long seim wiken yet.

## PNGRFL statim City Cowboys

Bihain long PRL i lusim PNGRFL, PNGRFL i kamapim wanpela nupela tim bilong makim Mosbi insait long SP Inta Siti Kap resis pilai na dispela em City Cowboys tim. Dispela tim i kamap long ol sampela pilaia husat i lusim PRL na tu ol lain bilong Pepsi Op



• Pilai namel long Goroka Lahanis na Madang Trotters long Inta-Siti resis.

Sisen lig. Long wankaim taim tu PNGRFL i kamapim Capital City League long Mosbi yet.

## Toktok bilong Adrian Lam

Planti toktok i kamap long Kumul kepten Lam long wanem mangi nogut ya i sain wantaim ARL na PNGRFL i laikim em tu. Tasol Lam i stap namel tasol na ino kisim wanpela sait. Em bin tok olsem bikpela komitmen em long makim PNG.

## Okul, Bai na Gene go long Inglen

Tripela Kumul pilaia em Stanley Gene, John Okul na Marcuc Bai i lusim PNG na go long Inglen long pilai insait long seken divisen lig. Okul na Gene i joinim Hull Kingsston Rovers na Bai i pilai wantaim ol Hull Ragbi Lig tim. Ol tripela ya i opim rot bilogn ol ovasis tim long luksave moa long ol PNG pilaia bihain long ol i kamapim ol gutpela geim stret.

## Kot disisen egensm Supa Lig

Bikpela kot bilong ARL na Supa Lig i pinis na jastin James Burchett bilong NSW Federel Kot i rul egensim ol Supa Lig. Dispela i mekim na Supa Lig ino inap stat



• Vipers insait senta Mea Morea i bin wokim sampela gutpela wok insait long Vipers tim long dispela yia.

i go inap long yia 2000 olgeta. Dispela bikpela disisen i mekim na Supa Lig resis long Australia ino bin stat na olgeta i go bek na pilai long ARL resis. Dispela disisen tu i gat bekim long ol narapela kantri husat i sain wantaim Supa Lig na wanpela em Papua Niugini.

## Karu go bek long Vipers

Stail Mosbi Vipers Faiv-eit Tuksy Karu i kamapim wanpela gutpela pilai tru long risev bens bilong Vipers na dispela i opim ai bilong ol selekta we ol i makim em i go insait gen long staling lainap. Karu husat i bin olpela Kumul faiv-eit i kamapim ol olpela stail bilong em na helpim ol Mosbi Vipers logn winim namba wan Hom geim bilong ol egensim ol Wynum Manly long Mosbi.

## Goroka winim Cambridge Kap salens

GOROKA i kamap olsem senta bilong ragbi lig bihain long ol i pilaim ol fainels long hap. Bihain long kwata fainels, Mendi wantaim Goroka i bin go insait long gren fainel bilong kap ya aninit long nupela fomat we Goroka i winim dispela kap. Dispela i makim wanpela gutpela yia nau bilong resis long wanem Goroka i painim pinis ol nupela pilaia long makim ol long SP Inta Siti Kap resis pilai bihain long ol i lusim planti olpela pilaia bilong ol i go aut.

## SP lonsim Inta Siti Kap

SP HOLDINGS kampani husat i save sponsaim SP Inta Siti Kap i lonsim na givim bek K146,000 i go long PNGRFL long ranim resis bilong inta siti kap long dispela yia. Toktok long taim bilong dispela bung, jenerel menesa bilong SP Holdings Tan A Meng i tok olsem em i amamas tru olsem kampani i bung wantaim ragbi lig insait long kantri olsem na ol bai sapatim yet ragbi lig.

## Bennett kisim wok olsem Kumuls kosa

KOSA bilong Lae Bombers ragbi lig tim long inta siti resis Bob Bennett em PNGRFL i makim em olsem kosa bilogn Papua Niugini Kumuls bihainlong bikpela miting bilong ol. Bennett i kisim dispela wok long han bilong olpela kosa Joe Tokam. Taim Bennett i amamas logn kisim wok kosa, planti ol sapota bilong Lae Bombers i wari long wanem em i lusim ol na Lae Bombers tim i wok long pundaun insait long resis bilong inta siti. Bennett i bin kosim ol Bombers long 1995 i go inap ol i winim gren fainel bilong dispela bikpela resis.

## Keviam painim bagarap

SIAMAN bilong Papua Niugini Ragbi Futbol Lig Joe Keviam i bin kisim bagarap taim ol raskol insait long

# Yia gen bilong ragbi lig



• Wapela bikpela sapota bilong Mosbi Ragbi Lig em Patron David Unagi i bin sanap wantaim ol Vipers tim taim em i givim ol K5000.



• James Kops, wapela strong pilai bilong PNG Kumuls.

Mosbi i bin sut long em long sotgan long wapela kaikai haus long Mosbi. Keviam e i bin staplong Mosbi taim em i bungim dispela bagarap na kwiktaim tru em i flai i go logn Australia long stretim dispela bagarap em i kisim long pes bilong em. I bin laki tru olsem nogat bikpela bagarap em bin kisim. Plis long Mosbi tu ino save yet long wanem as na ol raskel i sut long Keviam e.

### Blues winim Maroons 3-0

Taim bilong bekim dinau. Long las yia 1995, ol Maroons we inogat wapela biknem pilai bilong ol i



• Olpela menesa bilong ol Vipers John Lynch i mekim sampela toktok long ol pilai bipo ol ken training.

stap i bin brukim rekot tru long winim ol Blues long 3-0 long kisim Stet ov Origin sil. Tasol long dispela yia, stori i tanim gen. Ol Blues wantaim olgeta supa lig pilai bilong ol i pilai na winim ol Maroons 3-0 we i bekim dinau bilong wanem samting ol Maroons i bin mekim long las yia.

### Osenia Salens Kap

PNG Kumuls i bin lusim kantri na go pilai long Nu Silan. Long dispela pilai, wantaim ol Nu Silan Maoris, PNG Kumuls i bin lus long Trinde na Fonde ol i kam antap long PNG we ol i pilai egensim ol Tonga. Long dispela pilai, aninit long lukaut bilong kepton Elias Paiyo, ol Kumuls i bin bagarapim stret ol Tonga long 56-10 na dispela i bin wapela bikpela rekot tru bilong ol Kumuls egensim wapela intanesenel sait. Dispela pilai tu i apim tingting bilong ol i go bikpela long pilai strong moa. Wantaim sapot ol bai kisim long Adrian Lam, David Westley na Bruce Mamando, ol

Kumuls i gat bikpela sans long winim ol Great Britian long Lae long dispela wiken.

### Inta Siti Kap fainel ino pinis gut

Long pinisim gutpela ragbi lig sisen insait long PNG, pait namel long Kundiawa Warriors na Mendi Muruks long las wiken long Lae i no kamapim wapela gutpela samting olgeta. Dispela pait i kamap taim ol Kumuls bai bungim ol Lions long dispela wiken na i bagarapim tru olgeta samting long Lae lig graun. Muruks i bin lid long 29-10 taim bikpela pait i bruk.

### TOKSAVE I KAM LONG EDITA

Dispela em laspela Ragbi Lig Nius pepa long kamaut long Wantok. RLN i laik tenkim olgeta rida husat i save ritim RLN bilong Wantok na sapotim dispela hap long developmen bilong lig insait long kantri. Lukim yupela gen long 1997 ragbi lig sisen em bai stat long mun Mas. Gutbai!



• Prop fowat bilong Bavaroko i redi long autim bal tasol difens bilong ol lobuna i kam klostu pinis.




• Liklik habbek bilong lobuna i holimpas pinis fowat bilong Bavaroko.

**POT MOSBI SKUL BOIS RAGBI LIG EKSEN LONG LLYOD ROBSON OVAL LAS WIKEN. *Ol Poto: IVAN BAYAGAU***




• Ol fowat yet. Tupela prop i mekimsave long tupela yet. Mangi wantaim bal em prop fowat bilong Bavaroko Top Ap Skul.



• Wanpela pilaia bilong lobuna i ranawe long difens bilong ol mangi Bavaroko.



• Huka bilong lobuna i no inap long abrusim takol bilong ol Bavaroko fowat.



• **LEPHAN:** Wanpela lobuna Komyunit Skul pilaia i memeim wanpela Bavaroko long pilai bilong ol las wiken.


# Manly

## DANIEL GARTNER

**Posisen:** Seken Row  
**DOB:** Oktoba 15, 1972  
**Hait:** 190 cm: **Weit** 100 kg  
**Wok:** Akaunten  
**Kar:** Corolla **Driman kar:** Ferrari  
**Bikpela taim bilong yu:** Pilai long Fes Gret  
**Feveret kaikai:** Fish na Chips  
**Feveret Muvi:** Fugitive  
**Feveret TV So:** The Simpson  
**Yu save malolo longwe long futbol olsem wanem:** I go long nambis na waswas na lukim muvi.  
**Yu gat wanpela animel olsem poroman:** Mi gat wanpela dok nem bilong em Zac na em i stap wantaim mi tripela yia olgeta  
**Rait futbol taim bilong yu:** Win long gren fainel  
**Feveret holidei ples:** Fiji. Bai mi go long hap long sampela taim bihain long sisen.  
**Rait meri:** Gelpren bilong mi Michelle  
**Sapos yu gat 24 hours long stap bai yu mekim wanem?** Bai mi wari long dai  
**Laikim:** Nambis, gutpela kaikai, gutpela muvi.  
**No laikim:** Ol man bilong kros  
**Namba wan taim bilong fes gret yu tingim yet:** Dan Stains i givim strongpela takel long mi.  
**Bipo long pilai yu save kaikai wanem:** Toast buns na pasta  
**Yu bin kisim bagarap long lek bilong yu planti taim tru, na wanem samting yu wok long painim hat nau:** Kisim konfidens na strong bilong mi bek.  
**Wanem samting i narakain long Manly tim bilong dispela yia na las yia:** Mipela i gat strongpela tingting nau.  
**Hamas taim yu gat long pilai yet:** Taim mi no amamas moa long pilai bilong mi em bai mi pinis.  
**Bai yu mekim wanem bihain long yu pinis pilai:** Ronim akaunting bisnis bilong mi yet.



## Ol Saints sapota train bihainim tumbuna stori



# GOTCHA!

ANTHONY MUNDINE i kirap long las wik Sande na save olsem em wantaim ol tim meit bilong em long St George bai bagarapim sampela pati bilong ol lain long Eastern Suburbs bilong Sidni.

Na wanpela aua bihain long pilai, taim ol Dragons i wok long waswas long swimming pul bihain long ol i winim ol Roosters 36-16, dispela driman bilong ol Roosters i bagarap olgeta.

Long 1996 i kam, ol Roosters bilong Phil Gould i bin mekim olgeta samting long soim olsem ol i lain bilong resis long primiasip; planti samting tru ol i mekim we planti i sapotim ol maski taim olgeta j save olsem 10-pela pilaia olgeta long sait bilong ol i karim bagarap.

Planti i holim ol olsem feveret egensim ol Saints, na bai gat gupela sans long bungim Manly gen long gren fainel.

Tasol dispela i no min wanpela samting long Mundine taim em i helpim ol Dragons long win egensim ol East long kisim sans long salensim ol Norths.

"Bagarap?," em i askim. "Mipela olgeta i harim long dispela, tasol mipela tu i gat bagarap...planti bagarap tru. Mipela i lukim olsem ol Roosters i toktok tasol na dispela bai mekim nem bilong ol i bikpela sapos ol i win na sapos ol i lus em olsem ol i man bilong pait strong.

"Nogat, taim mi kirap long bet, mi save olsem mipela bai mekim wanpela spesel samting long Sande, na mipela i mekin."

Dispela strongpela bilip i mekim na insait long 20 minit bilong pilai tasol, ol St George i blokim gut tru ol biknem pilaia bilong ol Roosters- Brad Fitler, Adrian Lam na Andrew Walker- na tu ol i go pas long skoa 10-4.

Na taim ol sapota bilong Dragons i sapotim ol moa yet, ol i singaut olsem Saints i mas ron strong.

Em i wanpela bikpela samting tru...we planti i lukim olsem bipo taim, we ol papa bai tokim ol pikinini bilong ol olsem i gat tripela samting long laip em Ista Bunny long Ista, Santa long Christmas na Saint George i winim gren fainel.

Tasol dispela ino olsem tim bilong ol supa sta long wanem ol Saints i bin lainap long 1950 na 1960. Resis bilong nau em i narakain wantaim ol man husat i nogat nem olsem Mark Bell, Adrian Brunner, Jeff Hardy, Luke Felsch na Troy Stone we i go pas long primiasip draiv bilong ol.

Na tru i hat long bilip olsem long ol laspela wik bipo long krismas long las yia, ol Dragons i bin painim bikpela hevi long dispela supa lig pait. Dispela pait i brukim klab ya olgeta we ol i lusim 10-pela pilaia na sief eksekutiv na tupela kosa. Ol 10-pela pilaia ino onaim kontrak bilong ol.

Na long wanpela taim i luk olsem ol ino inap putim wanpela tim i go insait long resis, tasol maski dispela olgeta samting, ol Dragons i kamapim wanpela tingting tasol em long pait i go het.

Mark Bell husat i putim tupela trai long dispela pilai egensim ol Roosters i tok i nogat wanpela samting em ol i lusim.

"I gat planti samting i kamap em yu no laikim ol long kamap; na noken wari long ol," em i tok. "I luk olsem mipela i lainim long go het wantaim ol samting taim ol ino luk gupela.

"Nogat wanpela man i tok mipela i ken mekim planti samting long dispela yia."

Maski ol i win pinis planti ol pipel ino amamas. Hapbek Noel Goldthorpe em wanpela bilong ol.

"Em mi pilim sem nogut tru," em i tok. "Mi sapos long bekim mipela long stat bilong dispela yia taim ol i putim mipela long 1000-1...dispela bet i ken kamap bikpela tru nau."



• Mark Bell i amamas taim ol Saints i nekim ol Sydney City na Antap em Nathan Brown i gat planti long lap bihain long dispela pilai.



**GUTPELA WOK  
FORESTRI INSAIT  
LONG PNG**

**OL RIPOT IKAM LONG:  
PNG FOREST INDUSTRIES  
ASSOCIATION INC.**

















# UMW

**KOMATSU**

# UMW

**STIHL**



**Kubota**

**MANTOU**



# UMW Niugini Pty.Ltd.

LAE Aircorps Road  
PORT MORESBY MoreaTobo Road  
RABAU Malaguna Road  
VANIMO  
LIHIR ISLAND

Phone: 472 2444  
Phone: 325 5766  
Phone: 982 1489  
Phone: 857 1437  
Phone: 986 4073

# UMW





# Laip bilong FIA

DISPELA bikpela senis bilong fores bes industri long PNG i kamap klia tru long planti manmeri tru - PNG i gat ol risos ges we i strong bring ol wok long rurel eria na long taun.

Insait long ol dispela total eria bilong raun long PNG, samting olsem 25 pesen i gat yus bilong mekim bisnis na fores bes industri bilong kain kain i ken kamap o i gat strong long ol manmeri i ken yusim na menesim.

Nau yet samting olsem 1 milien hekta bilong total 15 milien graun long PNG ol i yusim long katim diwai pinis na planti bilong ol dispela i stap yet olsem ol fores bilong bipo yet na dispela bai i ken go long helpim na kampim timba bilong katim long bihain taim. Planti ol dispela graun i bin go long wokim gaden na ol narapela egrikalsa bisnis wok. Gutpela yus na wei bilong was long graun em i wanpela bikpela samting long fores menesmen bilong bihain taim.

Sotpela taim i go pinis bikpela developmen long industri i bin lukluk long salim ol diwai i go ovasis, na tru olsem i bin gat sampela hevi insait long sampela mun em i bin

wanpela bikpela samting long bringim mani long Gavman, givim wok long ol pipel na developmen bilong ekonomi long rurel eria. Na tu salim ol nupela diwai we ol i katim pinis i kamap gutpela long planti ol eria we i ken ol liklik ol kain timba ol manmeri i save long en. Dispela bai i helpim rot bilong timba ol i wokim pinis long PNG long kamap bikpela long bihain taim.

Wanpela bikpela salens bilong industri em long mekim wanpela "stret-pela ples bilong pilai" we industri i ken develop. Wantaim gutpela ples bilong invesmen na gutpela was long ol risoses, ino gat wanpela risen tru na PNG Fores bes industri i no inap kamap gut long bihain taim. Dispela em ol lukluk bilong Fores Polisi na industri i lukluk i go long dispela na i laik stap insait taim ol wok i kamap.

Mipela long Fores Industris Asosiesin i bin givim bikpela helpim long bipo yet long toktok long bihain taim bilong timba industri long PNG na mipela i bilip olsem na tu ol tok hat bilong mipela em inap long givim bikpela lukluk na helpim



## • Wanpela hap wok bilong Jant em long groim ol nupela diwai.


taim ol disisen i go wantaim Gavman.

Membasip straksa i bikpela tru, na i gat ol lain long planti ol grup husat i wok insait long fores industri sekta olsem ol lain bilong katim diwai, ol somil, ol papa bilong risoses, ol kampani husat i save saplaim ol samting bilong wok, ol kontrakta na ol lain husat i save wokim ol samting insait long forestri sekta. Dispela olgeta lain i gat intares long wok insait long developmen bilong kamapim gutpela industri taim ol i putim wantaim mobalasesin, yusim na menesmen bilong ol eria ol i makim bilong wok olsem komesal fores insait long PNG.


Nau yet ol memba i kam long planti ol kain kampani husat i wok insait long timba industri na i soim ol wok bilong ol na ples ol i stap long en long rurel eria tru long kantri na tu dispela ol kampani husat i save wok long daun-strim prosesing.

## Ol memba bilong FIA

Memba	Wok	Provins
<b>Ordinari memba</b>		
Ambogo Sawmill Pty Ltd	Logging/Sawmilling	Oro
Bismark Industries Pty Ltd	Logging	E.N.B.
Cağara Alam (PNG) Pty Ltd	Logging/Sawmilling	W.N.B.4
Delta Kikori Pty Ltd	Sawmilling	Gulf
Dominance Resources P/L	Logging	N./ Ireland
Fonsen Logging Pty Ltd	Logging/Portable	W.N.D=B.
Sawmilling		
F.M.S (PNG) Pty Ltd	Sawmilling	Western
Frontier Holdings P/L	Logging/Sawmilling	E.N.B.
Jant Pty Ltd	Export of woodchips/	Madang
Reforestation		
Madang timbers Pty Ltd	Logging/Sawmilling	Madang
Monarch Investment P/L	Logging/sawmilling	Manus
Niugini Int'L Corp P/L	Logging	W.N.B
Niugini Lumber CO. P/L	Logging/Sawmilling	N. Ireland
Open Bay Timber Co. P/L	Logging/Reforestation	E.N.B
Pacific Logging Pty Ltd	Logging	Central
P.I. Logging Pty Ltd	Logging/Sawmilling	Morobe
Manufacturing		
Pinpar Contractors P/L	Logging/Sawmilling	Central
PNG Forest Products Pty Ltd,	Sawmilling/Plywood	Morobe
Manufacturers/Logging		
Putput Logging Pty Ltd	Logging/Sawmilling	E.N.B
Rimbunan Hijau Pty Ltd	Logging/Sawmilling	Central
Rivergoi No. 6 Pty Ltd	Logging	Manus
Saban Enterprise Pty Ltd	Logging/Sawmilling/	Milne Bay
Small Scale Reforestation		
Seal (Manus) Pty Ltd	Logging	Manus
Sovereign Hill Pty Ltd	Logging/Portable	E.Sepik
Sawmilling		
Stetting Bay Lumber Co.	Logging/Sawmilling/	W.N.B.
Reforestation		
Taway Timbers Pty Ltd	Sawmilling	Madang
Timber Producers and		
Marketing Corp. P/L	Logging/Sawmilling	Morobe
Timbers PNG Pty Ltd	Logging/Sawmilling	N.Ireland
Turama Forest Industries P/L	Logging/Sawmilling	Gulf
Unevulg Dev. Pty Ltd	Logging	W.N.B.
Vanimo Forest Products	Logging/Sawmilling	Sundaun
Wawoi Guavi Pty Ltd	Logging/SawmillingqWestern	
WTK Real Pty Ltd	Logging	Sundaun
Yema Timber Pty Ltd	Logging	Morobe
Brown River Forestry	Plantation Forestry/	
Sawmilling	Central	
<b>Assosiet memba</b>		
Gogol Reforestation Co.	Reforestation	Madang
Golden Square Pty Ltd	Sawmilling/	
Manufacturing	N.C.D	
K.D. Logging Pty Ltd	Contractor	W.N.B
K.D. Timbers Pty Ltd	Contractor	Gulf
Nissho Iwai (Aust) Ltd	Import/Export	
Business Services	N.C.D	
<b>Servis members</b>		
BHP Steel building products	Supplies/	
Logging Accessories	N.C.D.	
Boroko Motors	Motor Deals	N.C.D.
Hastings Deering	Heavy Equipment/	
Sales/Service	N.C.D.	
Kopper PNG Pty Ltd	Timber Preservation	Morobe
Niugini Forest Management	Consultancy	N.C.D.
UMW Niugini Pty Ltd	Heavy Equipment	N.C.D.
Sales/Service		



• Operesin bilong Jant Pty Ltd long Madang. Em i memba bilong FIA.



**GUTPELA**



**WOK**



**FORESTRI  
INSAIT**

**LONG  
PNG**



**FOREST INDUSTRIES ASSOCIATION  
SAPOTIM SASTAINABOL FOREST  
INSAIT LONG PAPUA NEW GUINEA**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.